



SAKSPAPIR

Saksnr	Utval	Type	Dato
94/2016	Formannskap/plan- og økonomiutvalet	PS	31.10.2016

Sakshandsamar	Arkiv	ArkivsakID
Gjertrud Karevoll	FE - 141	14/1401

HØYRINGSUTKAST - KOMMUNEPLANEN SIN SAMFUNNSDEL

Vedlegg:

Samfunnsdelen Høyringsutkast Oktober 2016

Rådmannen sitt framlegg til vedtak:

Rådmannen rår til at forslag til Samfunnsdel for Vaksdal 2016-2027, etter heimel i Plan-og bygningslova §11-14, vert kunngjort, sent til høyring og offentleg ettersyn i minimum 6 veker.

Formannskap/plan- og økonomiutvalet - Sak 94/2016

FPØ - Behandling:

Samrøystes vedtak.

FPØ - Tilråding/Vedtak:

Rådmannen rår til at forslag til Samfunnsdel for Vaksdal 2016-2027, etter heimel i Plan-og bygningslova §11-14, vert kunngjort, sent til høyring og offentleg ettersyn i minimum 6 veker.

Saksopplysningar:


Bakgrunn

Kommuneplanen er todelt. Samfunnsdelen er eit overordna og strategisk dokument som gjev retning for ønska samfunnsutvikling i kommunen. Planen har visjonar og mål for kommunen som samfunn.

Gjeldande samfunnsplan vart vedeken i 2005. I planstrategien frå 2012 vart det føreslått og vedteke rullering av denne. I 2015 vart arbeidet starta opp, og i planprogrammet vart 4 tema trekt fram som særskild viktige for framtida; folketalsutvikling, bustadutvikling, næringsutvikling og samferdsel.

Planprogrammet la opp til å behalde «bynært bygdeliv» som visjon.

Vinteren 2015/16 vart det gjennomført «verdidugnad» der kjerneverdier og målsettingar for kommunen vart arbeidd fram i kommunestyret. Tilsvarande vart arrangert i ungdomsrådet. Arbeidet vart samanfatta og konkretisert, og etter presentasjon og drøfting i FPØ i mai 2016 var verdigrunnlaget sett til;



I «verdidugnaden» vart det også arbeidd fram lange lister med målformuleringar, av både overordna og detaljert karakter. Desse er sortert, gruppert, og silt/filtrert slik at dei no framstår i ein målstruktur med langsiktige mål som også er fleksible nok til å handtere endringar som framtida gjev oss. Overordna nasjonale og regionale krav og føringar er hensyntatt, og høyringsutkastet har vore handsama i kommunen si leiargruppe, samt i enkelte faggrupper.

Som nevnt er samfunnsdelen ein del av kommuneplanen. Arealdelen er den andre delen, den kjem til behandling seinare.

Rådmannen rår til at forslag til Samfunnsdel for Vaksdal 2016-2026, etter heimel i Plan-og bygningslova §11-14, vert kunngjort, sent til høyring og offentleg ettersyn i minimum 6 veker.